

醫
學
辨
正



醫學辨正卷四目錄

厥逆

瘧病

咳嗽

喘促

中風

外感

內傷

溼熱

黃疸

血症

霍亂

癲狂

戒鴉片

婦科



小兒科

外科

內傷

中風

痢疾

濕熱

醫學新工卷四目錄



北京中醫藥大學圖書館版權所有

醫學辨正卷四

山陰張學醇筱溥編集 男克元校訂

厥逆

調經論岐伯曰氣之所并爲血虛血之所并爲氣虛帝曰人之所有者血與氣耳今夫子乃言血并爲虛氣并爲虛是無實乎伯曰有者爲實無者爲虛今血與氣相失故爲虛焉血與氣并則爲實焉血之於氣并走於上則爲大厥厥則暴死氣復反則生不反則死○厥逆連藏則死連經則生○脉至



如喘，名曰暴厥。暴厥者，不知與人言。○厥則目無所見，夫人厥則陽氣并於上，陰氣并於下，陽并於上，則火獨光也，陰并於下，則足寒，足寒則脹也。○黃帝曰：厥之寒熱者，何也？岐伯曰：陽氣衰於下，則爲寒厥；陰氣衰於下，則爲熱厥。○帝曰：熱厥之爲熱也，必起於足下者，何也？曰：陽氣起於足五指之表，陽脈者集於足下，而聚於足心，故陽起盛，則足下熱也。○帝曰：寒厥之爲寒也，必從五指而上於膝者，何也？曰：陰氣起於五指之裏，集於膝下，而聚於膝上，故陰氣勝，則從五指至膝

上寒其寒也，不從外，皆從內也。○寒厥何失而然也？曰：此人者質壯，以秋冬奪其所用，陽氣衰不能滲營其經絡，陽氣日損，陰氣獨在，故手足爲之寒也。○熱厥何如而然也？曰：酒入於胃，則絡脉滿而經脉虛，陰氣虛則陽氣入，陽氣入則胃不和，胃不和則精氣竭，精氣竭則不營其四支也。此人必數醉，若飽以入房，氣聚於脾中，不得散，酒氣與穀氣相薄，熱盛於中，故熱徧於身，內熱而溺赤也。夫酒氣盛而慄悍，腎氣日衰，陽氣獨勝，故手足爲之熱也。○帝曰：厥或令人腹滿，或令人

暴不知人，或至半日，遠至一日，乃知人者，何也？伯曰：陰氣盛於上，則下虛；下虛則腹脹滿，陽氣盛於上，則下氣重上而邪氣逆，逆則陽氣亂，陽氣亂則不知人也。○帝曰：善。願聞六經脈之厥狀病能也。曰：巨陽之厥，則腫首頭重，足不能行，發為暈仆。○陽明之厥，則癰疾欲走，呼腹滿不得卧，面赤而熱，妄見而妄言。○少陽之厥，則暴聾，頰腫而熱，脇痛，飢不可以運。○少陽之厥，則腹滿，臍脹後不利，不欲食，食則嘔，不得卧。○少陰之厥，則口乾溺赤，腹滿心痛。○厥陰之厥，則少腹腫痛。

腹脹、溼洩不利、好卧屈膝、陰縮腫、骭內熱、盛則寫之、虛則補之、不盛不虛、以經取之。○太陰厥逆、骭急、攣心痛、引腹、治主病者。○少陰厥逆、虛滿、嘔變、下泄清、治主病者。○厥陰厥逆、攣腰痛、虛滿、前閉、譫言、治主病者。○三陰俱逆、不得前後、使人手足寒、三日死。○太陽厥逆、僵仆、嘔血、善衄、治主病者。○少陽厥逆、機關不利、機關不利者、腰不可以行、項不可以顧、發腸癰、不可治、驚者死。○陽明厥逆、喘咳身熱、善驚衄、嘔血、手太陰厥逆、虛滿而欬、善嘔沫、治主病者。○手心主少陰厥

逆心痛引喉身熱死不可治○手太陽厥逆耳聾泣出項不可以顧腰不可以俛仰治主病者○手陽明少陽厥逆耳聾泣出腫痊治主病者此內經之厥狀病能也中藏經論陽厥曰驟風暴熱雲物飛揚晨晦暮晴夜炎晝冷應寒不寒當雨不雨水竭土壤時歲大旱草木枯悴江河之涸此天地之陽厥也暴壅塞忽喘促四肢不收二府不利耳聾目盲咽乾口焦喉舌生瘡鼻流清涕頰赤心煩頭昏腦重雙睛似火一身如燒素不能者乍能素不欲者乍欲登高歌笑棄衣奔走狂

言妄語、不辨親疎、發躁無度、飲水不休、胸膈膨脹、腹脇滿悶、
背疽肉爛、煩潰消中、食不入胃、水不穿腸、驟腫暴滿、叫呼昏
冒、不省人事、疼痛不知去處、此人之陽厥也、陽厥之脉、舉按
有力者生、絕者死、○陰厥論曰、飛霜走雹、朝昏暮靄、雲雨飄
颻、風露寒冷、當熱不熱、未寒而寒、時氣淋淫、泉生田野、山摧
地裂、土壤河溢、月晦日昏、此天地之陰厥也、暴啞卒寒、一身
拘急、四肢拳攣、唇青面黑、目直口噤、心腹滿痛、頭領搖鼓、腰
脚沉重、語言蹇澁、上吐下瀉、左右不仁、大小便滑、吞酸吐綠、

悲憂慘感、喜怒無常者、此人之陰厥也、陰厥之脉、舉指弱、按指大者生、舉按俱絕者死、一身悉冷、額汗自出者、亦死、陰厥之病、過三日勿治、

熱厥者宜犀角地黃湯

地黃

二兩

犀角片

三錢

羚羊角

三錢

黃連

二錢

石膏

二兩

甘草

五錢

寒厥者宜姜附回陽湯

乾薑

一錢

附子

三錢

巴豆霜

一錢

麻黃 二錢

細辛 二錢

桂枝 三錢

有兼症者寒中加熱熱中加寒不能預定也

瘧論

黃帝問曰夫瘧瘧皆生於風其蓄作有時者何也岐伯對曰瘧之始發也先起於毫毛伸欠乃作寒慄鼓頷腰脊俱痛寒去則內外皆熱頭痛如破渴欲冷飲帝曰何氣使然願聞其道岐伯曰陰陽上下交爭虛實更作陰陽相移也陽並於陰則陰實而陽虛陽明虛則寒慄鼓頷也巨陽虛則腰背頭項



痛三陽俱虛則陰氣勝陰氣勝則骨寒而痛寒生於內故中外皆寒陽盛生外熱陰虛則內熱外內皆熱則喘而渴故欲冷飲也此皆得之夏傷於暑熱氣盛藏於皮膚之內腸胃之外此榮氣之所舍也此令人汗空疎腠理閉因得秋氣汗出遇風及得之以浴水氣舍於皮膚之內與衛氣并居衛氣者晝日行於陽夜行於陰此氣得陽而外出得陰而內薄內外相薄是以日作帝曰其閒日而作者何也岐伯曰其閒日發者由邪氣內薄於五藏橫連募原也其道遠其氣深其行遲

不能與衛氣俱行，不得皆出，故閒日乃作也。其氣之舍深，內薄於陰，陽氣獨發，陰邪內著，陰與陽爭，不得出，是以閒日而作也。帝曰：善。其作日晏與其日早者，何氣使然？岐伯曰：邪氣客於風府，循膂而下，衛氣一日一夜大會於風府，其明日日下一節，故其作也晏。此先客於脊背也。每至於風府，則腠理閉，腠理閉則邪氣入，邪氣入則病作。以此日作稍晏也。其出於風府，日下一節，二十二日下至骶骨，二十二日入於脊內，注於伏膂之脈，其氣上行，九日出於缺盆之中，其氣日高，故

作日益早也。帝曰：夫子言衛氣每至於風府，腠理乃發，發則邪氣入，入則病作。今衛氣日下一節，其氣之發也不當風府。其日作者，柰何？岐伯曰：此邪氣客於頭項，循膂而下者也。故虛實不同，邪中異所，則不得當其風府也。故邪中於頭項者，氣至頭項而病；中於背者，氣至背而病；中於腰脊者，氣至腰脊而病；中於手足者，氣至手足而病。衛氣之所在，與邪氣相合，則病作。故風無常府，衛氣之所發，必開其腠理，邪氣之所合，則其府也。帝曰：善。夫風之與瘧也，相似同類，而風獨常在。

瘡得有時而休者何也岐伯曰風氣留其處故常在瘡氣隨
經絡沉以內薄故衛氣應乃作帝曰瘡先寒而後熱者何也
岐伯曰夏傷於大暑其汗大出腠理開發因遇夏氣淒滄之
水寒藏於腠理皮膚之中秋傷於風則病成矣夫寒者陰氣
也風者陽氣也先傷於寒而後傷於風故先寒而後熱也病
以時作名曰寒瘡帝曰先熱而後寒者何也岐伯曰此先傷
於風而後傷於寒故先熱而後寒也亦以時作名曰溫瘡其
但熱而不寒者陰氣先絕陽氣獨發則少氣煩冤手足熱而

欲嘔者名曰瘧瘧。帝曰：夫經言有餘者寫之，不足者補之。今熱爲有餘，寒爲不足。夫瘧者之寒，湯火不能溫也；及其熱，水不能寒也。此皆有餘不足之類。當此之時，良工不能止，必須其自衰，乃刺之。其故何也？願聞其說。岐伯曰：經言無刺熇熇之熱，無刺渾渾之脈，無刺漉漉之汗。故爲其病逆，未可治也。夫瘧之始發也，陽氣并於陰，當是之時，陽虛而陰盛，外無氣，故先寒慄也。陰氣逆極，則復出之陽，陽與陰復并於外，則陰虛而陽實，故先熱而渴。夫瘧氣者，并於陽則陽盛，并於陰